



Qeqqata Kommunia

Kommunimi umiatsianik inissiivinnut tunngatillugu malittarisassaq

Kommunimi umiatsianik inissiivinnut tunngatillugu malittarisassaq Qeqqata Kommuniani atuutsinneqarpoq

- Malittarisassaqarnermi siunertarineqarpoq kommunimi umiatsianik inissiiviit pillugit maleruagassaqartinneqarnissaat aamma malittarisassaqartinneqarnissaat.
- Umiatsiaq attartornermut isumaqatigiissummi inissiffissatut takutinneqartumut inissinneqarsimassaaq.
- Umiatsiaq allagartamik kommunimit tunniussaasumik allagartalerneqassaaq, tassanilu allassimassapput attartornissamik isumaqatigiissutip angallatillu inaata normui.
- Umiatsiap eqqaa tamatigut eqqiluutsuutinneqarlunilu saligaatsuutinneqassaaq.
- Malittarisassaq una malillugu umiatsiat tamarmik eqquutsitsisumik inissinneqarsimasut, tamatigut piginnittup akisussaaffigallugillu nalorninartumiititarai.
- Umiatsiaq ulissiamik assigisaanilluunniit ulinneqassappat ulia qajannaarluarsimassaaq. Ulissiat erfattut eqqaaniittunut akornutaasut Qeqqata Kommunianiit peerneqassapput.
- Puiaasat naqitsinillit, qaartiterutissat qummoroortartullu umiatsianiiteqqusaanngillat.
- Umiatsiat kuuffilersorneqassanngillat.
- Attartornermut isumaqatigiissutaasut inunmut ataasiakkaanut pigitinneqarput umiatsianullu inissiivik pisiniarnermut, tuniniaanermut attartortitsinermulluunniit atugassanngortinneqassanngilaq.
- Attartornermi isumaqatigiissummik malittarisassamilluunniit matuminnga unioqqutitsineq sunaluunniit atorunnaarsitsinermik kinguneqarsinnaavoq.
- Attartorneq qaammatinik marlunnik sioqqutsilluni illuatungeriinnit tamanit atorunnaarsinneqarsinnaavoq. Atorunnaarsitsinerup naanerani umiatsiaq aamma tunngavia il. il. inissiivianiit tamarmik peerneqarsimassapput. Attartortoq nammineerluni atuiunnaarnermut immersorsimasaq kommunimut tunniunneratigut attartorneq atorunnaarsissavaa.
- Umiatsiat inissiiviattut takutinneqartut avataanni inissinneqarsimasut imaluunniit malittarisassamik eqquutsitsinngitsut, allagartaliinerup kingorna 48 tiimit qaangiuppata ilimasaarisoqaginnani kommunimiit peerneqassapput.
- Qeqqata Kommunia angallatinut inissiivissianiittunut akisussaangilaq. Kommune taamaalluni tillinniartoqassagaluarpas, ikuallattoqassagaluarpas imaluunniit susinnaanngisanik pisoqassagaluarpas akisussaasuunngilaq.
- Angallataatillit sillimmasiisarnernut akisussaaffeqarput.
- Qeqqata Kommunia nunap naqillinnerinut imaluunniit aattornikkut ajoqusernertut peratarsinnaasunut akisussaangilaq.
- Angallatinut naqitsivissatut inissiivissanik attartornissamut akigititassaq kommunalbestyrelsimit aalajangersarneqartarpoq, ukiumullu kommunip akigititaatigut naleqqussarneqartarlutik, paasissutissat taakku kommunip nittartagaani www.qeqqata.gl-imi takuneqarsinnaapput.
- Inissamik attartorneq ukiumut siumoortumik akileeqqusisoqartarpoq atorunnaarsinnissaatalu tungaanut atuuttarluni. Akinik utertitassaqartoqarpat taakku utertinneqassapput.
- Kommunip angallatinut inissiiveqalerneqanik inissat allagarsiullugit sapaatit akunnerinik sisamanik piffissalerluni neqeroortutigneqassapput. Qinnuteqartut inissiivissanik atorineqanngitsunit amerlaneruppata attartornermut isumaqatigiissutit makitsinikkut neqeroortutigneqassapput. Qinnuteqartut attartornermut isumaqatigiissutinannngitsut utaqqisunut ilanngunneqassapput.

Atortussatigut pigisat annertussusi:

- Angallatinut inissiivissiat tungaannut aqquserngit pingaarnerit taakkulu avatalequtaat kisimik sapaatit akunnerannut ataasiarluni aputaajarneqartassapput, tassa apeqqaarneraniit januaarip naaneranut.
- Aputaajagassat allat piginnittut ataasiakkaat isumagissavaat.

Maniitsumi umiatsianut inissiivimmut tunngatillugu umiatsianik inissitaqartitsisarnermi atuuppoq:

- Umiatsiap motooriata niua imaluunniit aqutaa normuanut sammitinneqassaaq, umiatsiarlu sukat inissisimaneri malillugit teqqeqqorissumiitinneqassapput.
- Umiatsiap siua aputaajaanermut napasortaliussat nalaannissaaq.

Kinguneqartitsinerit

Nunaminertamik atugassiisummik atuisuusoq Pilersaaruserneq aamma nunaminertat atorineqartarnerat pillugit Inatsisartut inatsisissaanni nr. 17, 17. november 2010-meersoq kingusinnerusukut allannguutitalik § 62 imm. 1 aamma 2 naapertorlugit pissutsinik unioqqutitsisunik iluarsinissaminut pisussaaffeqarpoq. Ingerlaavartumik pinngitsaaliilluni akiliisitsisarnikkut, politiinut suliaassanngortitsinikkut atuisussaatiitaanermillu atorunnaarsitsinikkut pinngitsaaliilluni pisumik unioqqutitsisumit iluarsinissamik piginnittuusoq atuisuusorluunniit kommunip ingerlatsivianit peqquneqartarpoq.

Pilersaaruserneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersumi § 63 imm. 3 naapertorlugu angallatit qaqqat pisullu allat ileqqoreqqusamik uannga malitsitsinngitsut,

eqqartuussivikkut peqqusinermik nalunaarummik pinngitsaalliillunilu akiliisitsinissat malitsinneqarsimangippata, kommunip ingerlatsivianit peerneqassapput piginnittumulluunniit akiligassanngorlugit pisarialimmik iluarsitillugit.

Naammagittaalliornissamut ilitsersuut

Kommunalbestyrelsip aalajangiinnerminik nalunaaruteqareernerata kingorna kingusinnerpaamik sapaatip akunneri arfineq-pingasut qaangiunnerini maalaarut Naalakkersuisut Nuna tamakkerlugu pilersaarusionermut immikkoortortaanut toqqaannartumik nassiunneqassaaq.

Kommunalbestyrelse ulloq 28. April 2025



Malik Berthelsen
Borgmesteri / Borgmester



Hans Christian Sværd
Kommunimi pisortaaneq / Kommunaldirektør